

Ichachan 65

1. Yesusi kun ba diya teek ke zo deshiyese neni ko?

-Iyong.

-Yesusi kun ba diya teek bboydiya hin ke deshiyese zowo.

2. Zo deshiyese Tuma na wuch shun de i ch'olo na uwado ko?

-Uwang.

3. Zo deshiyese Tuma na wuch shun de i ch'olo na uwang kiyang?

-Ga bboydiya shun de i ch'olo Tuma ajine ga ajen duru de Tumono.

4. Bert'emiyosi zeri Yesusi ke woche Dawidi kiyang?

-Ga bboydiya Yesusi ga du'ute bizingit Dawidi de ilanga Tuma edine ke koy ke bizingite ch'olo.

5. Bert'emiyosi bboydiya ga maloch o men de muddiyo, Yesusi kudden dene shiong ko?

-Iyong. Yesusi shik kudden de zowon muuk.

6. Zo much iach Bert'emiyosi niye?

-Yene ke Bert'emiyosi basine ke muddiyo, zo muuk basine ke muddi nyebba ge de mante de Tumono.

7. Men konang so uwa ke ach Bert'emiyosi kabara gene anen?

-Ga Yesusi so.

8. Nyebba ge de mante de Tumono, men konang so uwa ke ach zo muuk kabara gegey anen?

-Ga Yesusi so.

9. Zo ge meri sene Bert'emiyosi kiga kuchu kuchuy kiyang?

-Ede tasi ke Yesusi eringes men de i ke malocho muto na hingangi.

10. Yesusi yel zo ge tomokuno na zo ge al ke maluwa yelong ko?

-Iyong. Yelen de Tumon orte zowon muuk ga konang so.

11. Yesusi yel Amorowa na zo ge al ke Me'eno yelong ko?

-Iyong. Yelen de Tumon orte zowon muuk ga konang so.

12. Yesusi yel zo ge bawda so na zo ge ila'aso yelong ko?

-Iyong. Yelen de Tumon orte zowon muuk ga konang so.

13. Zo hin ke indi Yesusi ke bizingetege kiyene muy Yesusi hinong kiyang?

-Yesusi ibaysi zo gongo komache Set'ani o komache geskinun o komache resedun liyok na zo hinong.

-Zo hin ke Yesusi ibaysi achuk tege soy.

-Zo hin ke Yesusi ibaysi ede gensesedo de zuk te Rome liyoko soy.

-Yesusi uruk sigiro na ddul Yerusalemi teek.

-Zo ge meri ddoy Yesusi.

-Kiyene muy zo ddoy Yesusi bboydiya hin ke moy angge zo deshi na uwango.

-Yesusi a ddul Yerusalemi teeko, zo ge ingkar zuk te Ayhudiyo shik na tasi katang?

Gezeri Mark'osi 14:1-2

1-Ungoy ge al ke ramango tolo, baro de Tuma k'eniye o baro de zo am saska ge ersung teek unto kuno. Zo ge bibida tigishine o zo ge ichachan penu de Museyo lich goro de lude zo na sho'o Yesusi na nise.

2-Ede sene: "Ungoy giya zo zayisiyo teek goshoi, zo ibbagech kaman na meta kode."

-Zo ge ingkar zuk te Ayhudiyo hin ke ch'ip Yesusi na nisi.

-Kiyene muy ungoy gongo ede ch'ip Yesusi shaw na nis na uwang.

-Zo ge ingkar zuk te Ayhudiyo ch'ip Yesusi shaw na nis na uwang kiyang?

-Ga bboydiya zo ge meri ddoy Yesusi na zo ge ingkar zuk te Ayhudiyo ri'inse zo gongo.

-Zo ge ingkar zuk te Ayhudiyo tasi ke o ch'ip Yesusi, zo ibba

kaman de buytini.

-Nyebba ge diya, zo ge ingkar zuk te Ayhudiyo tasi ke simne na miroge ungoch konang na ch'ip Yesusi na nisi.

-Kiyene muy men kon oguwa orte komordu de zow ge tigishine na hin ke imak Yesusi na tali.

Gezeri Mark'osi 14:10

10-Zoy ge al ke tomon o ramango teek, konang de i ke Yihuda de Ask'orotawiyo hin ke imak Yesusiy na koy orte zow ge bibida tigishine.

-Men de hin ke imak Yesusiyo, zo zeri ke Yihuda.

-Yihuda ga dditkache Yesusi kon na ddiddi o Yesusi.

-Kiyene muy Yihuda Yesusi yepong.

-Men kon ddiddi o Tuma na Tuma yepong na uwado ko?

-Uwado.

-Yihuda ddiddi o Yesusi bergan sizi na se ke yep Yesusi.

-Kiyene muy Yihuda Yesusi yepong.

-Yihuda wodi konang mu geskin dene hayniyong.

-Yihuda wodi konang mu Yesusi keyepong.

-Yihuda ddoy Yesusi kiyang?

-Yidhuda ddoy Yesusi bboydiya tasi ke joy tomoke meriyo.

-Yihuda bboydiya tomok orte Yesusi joyongo, tasi ke imak Yesusi na joy tomok orte zow ge tigishiney.

-Bbute ilanga kingi k'oma ge Tumon eliyo, yelache Yesusi kon imak nen.

-Tuma tep eli dene na deshi ch'olo.

-Men de ingkar Yihuda ke imak Yesusiyo anen?

-Ga Set'ani.

-Set'ani hin ke Yihuda imak Yesusi kiyang?

-Set'ani mar Yesusi sheshek bboydiya Yesusi ga Tuma.

-Set'ani mar Yesusi sheshek bboydiya Yesusi eli manteyo.

-Set'ani mar Yesusi sheshek bboydiya Yesusi hin ke ibaysi zo komache Set'ani liyoko.

-Nyebba ge diya, Set'ani tasi ke ingkar Yihuda or zo ge tigishine na nis Yesusi.

-Na ch'uwa Yesusi ibaysi zo na uwang.

-Set'ani ingkar Yihuda ke koy orte zow ge tigishine na imak Yesusi.

-Zo ge tigishine a shik eli de Yihuda, tasi katang?

Gezeri Mark'osi 14:11

11-Zo ge tigishine shik ya, arshi maddak na yel yele na hine nen tomok ajine. Yihuda ch'uwa lich goro de ima'a Yesusi.

-Eli de Tomon sene:

-Zo ge tigishine teliyaboy na ach Yihuda k'orsha jar sizi.

-Bbute ilanga kingi k'oma ge Tumon eliyo, zo tal Men de Ibaysine k'orsha jar sizi.

-Tuma tep eli dene na deshi ch'olo.

-Ungoy ge al ke ramango tolo, ga ungoche baro de Tuma k'eniye.

-Na dditka ge Yesusi lich bboy de am amsete baro de Tuma k'eniye.

-Baro de Tuma k'eniye a katang?

-Ga ungoche zuk te Israeli tasi bergu de ilanga du'u gege al Gibs'i ge na t'obi ketuyina gege nyebbay na Tuma k'eniye na ede nisongo.

-Baro de Tuma k'eniye, zuk te Israeli amine bboyde koni.

-Yesusi o dditka gene mu hin ke amine bboyde koni.

Gezeri Mark'osi 14:12

12-Ungoche sabunyiyo de zo ame saska ge ersung teek unto kowa. Ungochongo zo tigishine na limese Tuma kolay de baro de Tuma k'eniye. Dditka ge Yesusi elese nen na sene: "Gala de baro de Tuma k'eniye hini na gey na gedeshiyagen ide?"

-Meta gezeri ye'esen de Yesusi.

Gezeri Mark'osi 14:13-15

13-Dditkay ge Yesusi teek is ramang na sene: "Hat katamay na yongo men de dechi ju de mawuno kon joyanodo na ddayit nen.

14-Nen kese dule teeko, eleseke ene de kesuno na setne: 'Mende ichachane sene: Bboy de anyi o dditka ganu eda ame gala de baro de Tuma k'eniye ide?' Set ke metiyene.

15-Nen iragong kese odine buyto i ke kara na ishasha'it yongo." Se wane.

-Dditka ge Yesusi moy men de dechi ju de mawuno na Yesusi gay niye?

-Yesusi ga Tuma na gay a muuk.

-Dditka ge Yesusi a moy men de dechi ju de mawuno, gay ke ga men de Yesusi eliyo na gay niye?

-Ga bboydiya balge dongo mokajo so koch ma na dechi juynayo.

-Tuma gay a muuk.

-Shoche t'ini mu resi, Tuma gaydo.

-Dditka joya men de dechi juwo ko?

Gezeri Mark'osi 14:16

16-Dditka hay katamay na joy bboyde Yesusi eliyo muuk na ishashak am de baro de Tuma k'eniye yongo.

-Dditka ishashak gala de baro de Tuma k'eniye na Yesusi o dditka gene hatuwa kesok teek.

Gezeri Mark'osi 14:17-18

17-Ba baraso. Yesusi o ge al ke tomon o ramango ngun bboyde koni.

18-Ede al bbuwa na amine. Yesusi sene: "Kelagong mante na eduy giya teek, de meta eda mule bboyde koniyo, konang de ima'an anyi iye."

-Yihuda hin ke imak Yesusi na Yesusi gayong ko?

-Yesusi gay sheshak.

- Men konang mu Yesusi keleseng.
- Kiyene muy Yesusi gay bboydiya ga Tuma.
- Yesusi yel Yihuda na bboydiya Yihuda hin ke imak neno, Yesusi kengo dene ruy sheshek.
- Dditka muuk ele giri giri na se niye?

Gezeri Mark'osi 14:19-20

- 19-Ede kengi ruy na konang konang elese Yesusi na sene: "A anyi ko? Ke anyi iyong?"
- 20-Yesusi ye'ese na sene: "Eduy giya alo ke tomon o ramango teek, de meta anyi o nen eda alay saska karkay teek bboyde koni na kone kinoto ga nen."
- Balgede zuk te Ayhudi amine bboyde koniyo, ede al bbuwa na mo'i saska na alay saska karkay teek.
- Yesusi sene men de ima'an anyio ga men de alay saska karkay teeko.
- Yihuda o Yesusi amine bboyde koni.
- Kiyene muy Yihuda tasi ke imak Yesusi ch'oloy.
- Yesusi eli ke metiyene kiyang?
- Yesusi hin ke Yihuda tasi geskin dene sheshekoy.
- Mule bboyde koni na yemi na ima'i ch'uwa a geskin ko?

- Ga geskin de buytini.
- Ima'i Tuma a geskin ko?
- Ga geskin de buytini.
- Yesusi hin ke Yihuda tach gortege na hayni geskin deney.
- Yesusi eli ch'uwa.

Gezeri Mark'osi 14:21

- 21-Yesusi sene: "Woche me'endon bboyde ilanga sabo kone nyebba ge dene, resedak yong woyt odineng. Kiyene muy de imak woche me'endono yong, ilanga sabo keng de joney ke ro'osiney. Ortene kam kamesedo."
- Yesusi erese saptene rongi ke woche me'endon.
- Yesusi ga Tuma s'ep.
- Yesusi ga me'en mu s'ep.
- Bbute ilanga kingi k'oma ge Tumon eliyo, Yesusi gay ungoche resedu deney.
- Tuma tep eli den na deshi ch'olo.
- Yesusi yel Yihuda kiyene muy Tuma oyse geskin dene de imak Yesusi bak ko?
- Bak oyseng.

-Men de imak Men de Ibaysine Yesusiyo deshi geskin de buytini.

-Yihuda imak Yesusi na Tuma hinong.

-Men de imak Yesusi de I ke tuma Woch'o deshi geskin de buytini.

-Na hin k'at'isi tumu ge de gowon teek.

-Yihuda iwa kok na oguwa orte zo ge tigishine.

-Yongo tolo Yesusi ach dditka gene milikitiyo ramang.

-Milikiti konang ga diya.

Gezeri Mark'osi 14:22

22-Ede amine guruwo, Yesusi ibba saska kok na bat Tuma na moi na ach ede na sene: "Shoit. An diya ga re diyan."

-Milikiti konange ga diya.

-Yene ke Yesusi mo'i saska, miroge zo mo'i re de Yesusi.

-Zo mo'i re de Yesusi nyebba ge de zo ge meri.

-Meta gishik milikiti ramange.

Gezeri Mark'osi 14:23-24

23-Yesusi ibba ande maduno mu kok na bat Tuma na ach ede na ede muuk k'up k'up giri giri na mato.

24-Yesusi sene: "Giya ga nyebba ganu ge eduno miroge ere nyebba ge de zow ge mero."

-Milikiti ramang ga diya.

-Yene ke Yesusi ero gima de weyniyo wadako, miroge Yesusi ero nyebba gene gashak.

-Nyebba ge Yesusi hay gashak nyebba ge de zo ge meri.

-Yesusi eli ch'uwa na se niye?

Gezeri Mark'osi 14:25

25-Yesusi sene: "Kelagong mante na gima diya gebzine kabarey ge weyniyo, wodi ramang kamadiyong. O kamadiy, kamadi de chao bizingsedo de Tumono."

-Zo amset a poskaboyo, hatuwa keso wadak.

Gezeri Mark'osi 14:26

26-Ede gom gule de baduno na suto uruk ele de boluwono tuntok.